

## Jenexi 6



Sero nase Noe ehtopöpyry poko.

Toemūkuase ynororo oseruao:

Sem te, Kam te, Jape, enara.

Zae exiketyme Noe kynexine,

Ritonōpo omipona. Sero nono pōkō

rānao, Noe rokē Ritonōpo maro

oturuketyme kynexine.

Sero nono

pōkō tonese

Ritonōpo a,

tyrypyrykō poko

rokē toh kynexine

emero porehme, popyra

ehtoh poko rokē

toh kynexine.



1

Mame ynara tykase Ritonōpo Noe a:

— Osenetupuhno: ahno enahkapōko ase

emero porehme. Toto orihmapōko ase

emero, esarykō roropa zumyhkapōko

ase, pehme exiryke oxiehno

exiketō ke.



2

Wewe kurā akohko kanawa konōto ritohme oya. Osa tō tyriko zao, ikurihpako azawa ke erurukara ehtohme, zao te, jarao, enara.



3

Zumo ehtoh ynara tyriko:  
133 meturume mosa  
exiry te, 22 meturume  
ipurorony,



4

13 meturume  
kakoxi ehtopo.


Tonahsē apoiko roropa  
anapyrykōme te, mokaro  
onokyro tō napyryme  
roropa, okyno tōkehko

emero  
napyryme,  
enara.




5

Tyriko roropa kanawa aka onokyro typytypye  
asasakoro emero, nono poro ytoketō maro, toto  
osepynanohtohme.




6

Aroko amaro onokyro tōkehko okyno  
tōkehko roropa. 7me aroko  
nuriamākōkara, asakoro  
aroko nuriamākomo  
orutua, nohpo, enara.




7




Tōsepynanohtohme  
kanawa konōto aka tōtyrise  
Noe, typyty maro, typoenō maro,  
tumūkuru tō pyxiā maro, enara.

8




Moro zano 600me jeimamyry  
Noe nae kynexine. Mame  
ẽmepyry 17mã po, nuno asakoro  
ehtoh po, tuna eutary tõ tuna konõto poe,  
nono zopino, toehmose kehko. Konopo  
konõto toehse roropa kapu ae, osenuhmatch  
konõto tõ tãtapuruhmakase samo.

9



Konopo toehse itamurume  
nono pona 40me ẽmepyry,  
koko saereme, enara.

10




Zueme toehse  
tuna exiryke  
kanawa tanÿse.

11


Zuemehxo toehse tuna, ypy tõ tumyhkase emero  
kaetoko exiketõ roropa. Toorihse emero toto nono  
põkomo, isene exiketomo, oseremaketomo.

12



Mame wenikehpyra Noe poko Ritonõpo  
kynexine, Noe maro exiketõ poko roropa,  
onokyro tõ poko te, okyno tõ poko kanawa  
aõkõ poko wenikehpyra kynexine.  
Tyryrykane tonyohse Ritonõpo a  
sero nono pona, mame  
tãpaipitose  
ropa tuna.

13



Moromeïpo utuku  
tonyohse eya tuna  
apaisẽ waro  
toehtohme.

14


Mame ěmepýry 27mã po, nuno asakoro ehtoh po nono tanoryse kure. Naeroro ynara tykase Ritonõpo Noe a: — Otütatoko ropa kanawae opyty maro, opoenõ maro opoenõ pyxiamo, enara.



15


Morarame apoto apõ tyrise Noe a okyno zahkatohme tynekaroryme Ritonõpo a. Torõ tõ tapoise eya okyno tõ maro, toitoine imeimehnõ okyno toh tae.

Tyakhase toto eya tynekaroryme apoto apõ po Ritonõpo eahmatohme.



16

Mame jüme jomiry oya xine, onytyromara ropa ase. Zae jehtoh enetupuhpotoh ekarõko ase oya xine; okohkuri riko ase akurü pokona.



Moro okohkuri eneryhtao enetupuhnõko matose jomihpyry poko, ynekarohpyry poko sero nono põkomo a.

17


Akurü tõ riryhtao ya kapu poko, okohkuri eneryhtao ya, akurü poko wenikehpyra ase jomihpyry poko oya xine, onokyro tõkehko a te,



isene exiketomo a emero. Morara exiryke imepý tuna konõto kumara ropa mana isene exiketõ emero enahkatohme.


18

Mame ynara tykase Ritonõpo Noe a: — Kure rokẽ oriko ase omükuru tõ maro. Emükuatoko oemãtohkõme sero nono po, sapararahme apakomotyãkõ ehtohme.




19

Mame Noe mükuru tomo, kanawae itütatyã ropa ynara kynexine: Sem te, Kam te, Jape, enara (Kam toemükuase Kanaãme). Mokaro oseruao Noe mükuru tõ kynexine. Noe pakomotyã tätahpahse toto,



sero nono poro porehme.

20



Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme.

3

60

21

Romanos 3:23 Kymarokō emero tyrypyhpyke. Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykō epehpyryme orihñōko sytatose. Yrome Ritonõpo nekarohpyry ke orihpyra sytatose jūme. Jezu Kyrixtu Kuesēkō marōme exiko sytatose, toorihse exiryke kymyakākōme.

Epereu 9:27 Toipe sytatose. Emero porehme orihñōko sytatose toiro. Moromeīpo kuapiakatorỹko Ritonõpo mana.

22

Epezu 2:8,9 Naeroro tamoreme opyno xine Ritonõpo toexiryke typynanohse matose. Okurākatorỹko roropa mana kure oexirykō pokoino pyra. Jezu enetuputyryke rokē oya xine okurākatorỹko mana. Topehke pyra, tynekarory kurā sā, Tumūkuru tonehpose aorihthohme, okurākatohkōme. Naeroro epyrypasaromepyra matose Ritonõpo poenōme oexirykō poko. Kure oexirykō pokoino pyra tukurākase matose Ritonõpo a.

Romanos 10:9,10 Jezu orihxīpo tōsemākaposē ropa Ritonõpo a. Moro enetuputyryhtao oya xine imehnō zurūko matose: “Jezu Jesēme mana,” āko matose imehno a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyya xine kukurākatorỹko Ritonõpo mana. “Zae mase ya,” āko mana kyya xine. “Jezu Jesēme mana,” karyhtao kyya xine kypynanohtorỹko Ritonõpo mana.

23

João 3:16,17 Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme. Sero pōkō pynanohse Tumūkuru tonehpose Ritonõpo a, toto onuānohpyra aehtohme.

1 João 5:11-13 Ynara Ritonõpo nekarohpyry sero. Orihpyra kyritorỹko Ritonõpo mana Tumūkuru enetuputyryke kyya xine. Ritonõpo mūkuru maro exiketō orihpyra mā toto. Yrome Ritonõpo mūkuru maro pyra exiketō orihketōme toto. Onenerykōme pape merōko ase orihpỹme oehtohkō waro oehtohkōme, Jezu Ritonõpo mūkuru enetuputyryke oya xine.

24

Jenexi 6 – 10

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: M. Maillot; Tammy S.

Apalaí Bible (apy) ©2017, Wycliffe Bible Translators, Inc.

<https://live.bible.is/bible/ENAPBT/JUD/1>

©2024 Bible for Children, Inc.  
www.M1914.org www.bibleforchildren.org

25